



**Les Fleurs Des Vies Des Saints Et Des Festes De Toute
L'Annee, Suivant L'Usage Du Calendrier Romain Reforme**

Augmentees des Saints & Bien-heureux Peres Iesuites, de Saint Charles
Borromeo, & de Sainte Françoise ; Avec le Martyrologe Romain, pour
tous les iours de l'Annee ...

Ribadeneyra, Pedro de

Paris, 1631

x La vie de s. Pie premier du nom, Pape & martyr.

[urn:nbn:de:hbz:466:1-75777](https://nbn-resolving.org/urn:nbn:de:hbz:466:1-75777)

rent vn Comte nommé Arcefilaüs, qui courut
 10. apres avec des gens de guerre, & les attrapa à
 11. quatre ou cinq lieues de Rome: il les mit entre
 12. les mains du Prefet de la ville Iuin Donat, le-
 quel les fit separer l'une de l'autre, & mettre en
 prison; le troisieme iour on les amena deuant
 luy. Il voulut premierement sonder Rufine en
 particulier, luy representant la grandeur de sa
 race, son aage, sa beauté, le contentement, & la
 ioye qu'elle pouuoit auoir avec son espoux: au
 contraire, le mal qui luy en reüssiroit, si elle n'a-
 doroit les Dieux. Voyant que par force, ny par
 finesse, il ne pouuoit surmonter ce cœur inuincible,
 & armé d'un ferme amour de la chasteté, &
 de la foy de Iesus-Christ. Il fit venir Seconde
 pour faire fouetter sa sœur Rufine en sa presen-
 ce, & la ranger à sa volonté, par la crainte d'une
 pareille peine: mais Seconde qui vit que sa sœur
 estoit fouettée, & qu'elle n'enduroit rien, brus-
 lant d'enuie de partir pour Iesus-Christ, elle se
 tourna vers le Iuge, & luy dit comme en chole-
 re: Que fais-tu, ô Iuge peruers & ennemy de
 toute vertu? Pourquoi honores-tu ma sœur,
 sans me faire participante de la couronne de sa
 gloire? Le Prefet luy respondit: Il me semble
 que tu es plus folle que ta sœur. Ma sœur, ny moy
 (dit Seconde) ne faisons point de folie: il est bien
 vray qu'elle & moy sommes Chrestiennes, &
 c'est la raison que nous soyons toutes deux fouet-
 tées, puis que nous croyons, & confessons vn
 mesme Iesus-Christ: Car la vertu du Chrestien
 croist parmy les tourmens, & il acquiert des
 couronnes de la gloire eternelle, d'autant plus
 riches que les coups de tribulations temporelles
 qu'il a receus, ont esté plus rudes & insup-
 portables. Et comme le Prefet les exhortoit de
 viure avec leurs espoux, elles au contraire, se
 monstroient fort constantes & resoluës de mourir,
 plustost que de perdre leur virginité. Il leur
 demanda ce qu'elles feroient, si elles perdoient
 par force ce qu'elles ayment tant. Seconde
 respondit: La vierge ne scauroit perdre la fleur
 & pureté de son ame, si elle-mesme ne s'esloigne
 de la Iustice. La force & violence qu'on fait à la
 vierge, luy est vn tourment, & le tourment est
 ce qui augmente la couronne & la recompense.
 Voila pourquoy, faites du pis que vous pourrez,
 allumez des feux, degainez vos espées, & des-
 ployez vos fouets, vos verges, vos bastons, &
 vos pierres, tant plus vous adioustez de peines,
 tant plus vous accroissez la gloire. Le Iuge les
 fit mettre en vn cachot obscur, & y fit brusler de
 la fiente pour les enfumer de la puanteur: mais
 nostre Seigneur Iesus-Christ la conuertit en vn
 tres-doux parfum, au grand contentement des
 Saintes: & en ceste prison tenebreuse apparut
 vne clarté celeste & merueilleuse. On les tira de
 là par le commandement du Prefet, pour les
 mettre dans vn bain d'huyle bouillante, où elles
 demurerent deux heures entieres, sans aucune
 incommodité: au contraire, elles y sentoient du
 rafraichissement, & de la recreation. Le Prefet
 bien esbahy de cela, les fit mener à la riuere du
 Tybre, qui passe au milieu de la ville de Rome,

& ietter dedans vne pierre au col. Les saintes
 10. filles demurerent enuiron vne demie heure sur
 11. l'eau sans se mouiller, ny aller à fonds, chantans
 12. les louanges de nostre Seigneur Iesus-Christ, &
 publians ses triomphantes merueilles. En fin on
 les tira hors de Rome, & eurent la teste trachée
 en vn bois qui estoit à trois lieues de là: on laissa
 les corps sans sepulture, afin qu'ils serussent de
 pasture aux loups. Mais les Saintes s'apparurent
 fort reluifantes & glorieuses à vne matrone Ro-
 maine, qui estoit Dame du lieu où gisoient leurs
 corps, laquelle estoit Payenne, nommée Plauti-
 le, l'admonesterent de se faire Chrestienne, &
 d'auoir soin que leurs corps fussent enterrez,
 qu'en ce faisant elle obtiendrait ce bon-heur, &
 la recompense dont elles iouysoient à present.
 Plautille n'y faillit pas, & allant en ceste maison
 des champs, elle trouua les corps des saintes
 Vierges, sans aucune mauuaise odeur, ny corrup-
 tion, elle leur bastit là vn sepulchre, dans le-
 quel leurs corps demurerent quelques années,
 & depuis on les apporta en la ville, & furent mis
 dans l'Eglise saint Iean de Latran, en la partie
 Constantinienne (qu'ils appellent) tout ioignāt
 les fonds du Baptesme de Constantin. Le mar-
 tyre de ces Saintes arriua l'an de nostre Sei-
 gneur 260. le dixiesme de Iuillet, auquel iour la
 sainte Eglise celebre leur feste. Jusques aujour-
 d'huy on remarque l'endroit où elles furent
 martyrisées, qui est de l'autre costé du Tybre en
 la voye Aurelienne, où on a basti vne Eglise
 Cathedrale qui s'appelle de la Blanche Forest.
 Le Martyrologe Romain, d'Vuard, Bede, &
 Adon font mention de ces Saintes.

*A Rome se fait la feste des sept freres Martyrs, fils de sainte
 Felicité, lesquels endurent du temps de l'Empereur Antonin,
 surnommé le Debonnaire, sous Publie Gouverneur de la ville:
 Ianuier apres auoir esté battu de verges, & tenu long temps en
 prison, fut tue à coups de plombs: Felix & Philippe furent
 assommés à coups de leuiers: Syluain precipité: Alexandre, Vi-
 tal & Marcial eurent les testes tranchées. Au mesme lieu les
 saintes vierges Rufine & Seconde sœurs, ayans esté diuerses
 affligées durant la persecution de Valerian & Gallien, avec vn
 grand desir d'estre toujours ensemble, & participantes l'une des
 tourmens de l'autre, furent precipitées dans le Tybre, d'où vn
 Ange les tira, & puis on les decola. Leurs corps furent honora-
 blement enseuclis en l'Eglise de S. Iean de Latran, apres du bap-
 tistere. En Afrique furent decapitez les saints martyrs Ianuier,
 Marin, Nabor & Felix. A Nicopoli en Arménie les saints
 martyrs Leonce, Maurice, Daniel & leurs compagnons, furent
 cruellement tourmentez, & puis ictez dans le feu, sous l'Em-
 pereur Licinie & le President Lybas. En Pisdie les saints
 Bianor & Syluain, apres auoir beaucoup souffert pour l'amour
 de nostre Sauueur furent en fin decapitez. A Cogne fut crucifié
 S. Apollone martyr. A Gand deceda sainte Amelberge vierge.*

LA VIE DE SAINT PIE
 premier du nom, Pape & Martyr.



Saint Pie Pape & Martyr estoit natif
 de la ville d'Aquilée, son pere s'appel-
 loit Rufin: il succeda au Pontificat à
 Higin, aussi Pape & martyr, l'an de Je-
 sus-Christ cent cinquante-huit, sous l'Empe-
 reur Antonin; Pie estant Pape, il ordonna plu-